

OMUKUETU

No: 15

ESIKU 1 lja AUGUST

1938

X·X·X·X·X·XX ■ XX·X·X·X·X·X·X ■ *X·X·X·X·X·X ■ X·X·X·X·X·X*

ONDUNDA JUUPUNGULO.

Ombimbeli ojo ondunda juupungulo. Omuntu kehe e nošipeua še muene mujo. Uujambahenda ua Kalunga ua pungulilua mo mujo nOmbepo Ondjapuki ote u to polele ooitaali, no ta pe omuntu kehe ošitopolelua še, ngaši a kala. Oje iha puka a pe gulue ošitopolelua šoje.

Ota uvišile omükeenakonašanakalunga epangulo ljompango negeelo ejuuki lja Kalunga omünamuēno Ota ti: Omuntu kua tjangaaka ngele iti itezulula šili, e noku ka kanenena sigo aluhe. Ota popiša omaganndambazi oontsejele na mboka je nošitjani e ta ti: Ongoka ta tindile muuinaji ue je kee nelago. Ihe ota pukulula ngoka a puka no ta kumiša mboka kaa nomükumo; ta nongeke ngoka kee noondunge no ta tonatiša omüposi. ta šišoluhozi ongoka a ezililua mo no ta koleke omünkundi. Ojo omünañuzi guoonakulila no te mü šete po omahozi ge. Oje ta jambeke ohepele joko mueño no te mü uuša omaganohenda gomegulu; ta paluša omüsindjala no ta nueša ngoka a notelua. Ojo taji zimi po oondjo, ta aluza aavu no ta jumuza aasi, ta šitulula omalaka goombolo űno ta mangulula oonkuatua.

Oto vulu tuu okueša embo ndjoka e toje ito li leša, nenge uaa na konaša najo? Ongoje u na tuu ehokololo ljOmbepo Ondjapuki omeni ljoje tali ku hokololele oonkondo zajo? Eiuuvo ljoje oli ši tuu o kuhokolola ošipeua šoje šomoohapu za Kalunga nkene ša tja? Ondi ši ši šili Ombepo Ondjapuki oja kongo uo ompito jomomuēno guoje. Esiku limue je ku ulula ngomuele gu noongenge, olilue lje ku lulike ongomülilo, nenge lje ku alula ngosilua no je ku pangula omoluohoolu juulunde. Ngele ui ifupipike no ua ji kOmüsilihenda guoje pamue noondjo zoje, Oje kue ku kumiša omauvanekohenda gevangelii lja Kristus, no ngiika ua zimbulula oonkondo zazo ngašika omükiintu ngujaka a

gumu onguo ja Kristus nokua aluzua o kuuvu ue.

Otse atuhe tua ala na Jesus Kristus auike ku noonkondo oku tu aluza. Jamue ja silombanda no ja kaniša eiuvo, onke omboka nando taa alukililua šili ituu uvite ša. Aavu ojendji jopambepo taa zilazila o je li naua nando taa kamua koonkondo zeso. Oje ši taa uuka luo kegulu nando taa ende pañama no taa uuka luo kekane no ljaluhe. Omboka taa kala pañama je nokusa šili, ihe omboka taa endišua kOmbepo ja Kalunga ojo aana ja Kalunga. Oua konakona tuu ombepo ndjoka taji ku endiša ojalje no taji ku endiša luo kušike.

Omuntu gua Kalunga iti inekela je muene noje ihi ipandula je muene, aue, o ta pandula Kristus no ti inekela Kristus. Uujuuki ue muene kue u tala oua fonguuo ja űnata. Ihe šo ta tala, nkene Kristus okua silohenda aanandjo nokue ja taa mba nokua lile pamue najo ote mü inekela ote ke mü taamba uo.

Ee na nena uo omboka je nuuvu uatjangaaka omeni ljauo otaa ja ku Jesus Kristus. Ojo no taa ka monene po oomuēno zauo ehupišo. Omüua ta űngua oku ja pitilila po, ošoka oje taji mü šiminike oku ja kuaša. Oje muene ota ti: "Omueño guandje gua nik' okutopa kolukeno, ndi ja silohenda."

Matsa Mission ošik' ano?

Etsikilo

Palakena ndi ku lombuele kuume. Iimaliua ihaji zi komuntu gumue aue. Aakriste mbeja joku Suomi, h'aahongi ajeke. Pamue oko zilalagila aasuo- iwi ajeke aahongi, aue, ojo aakriste ngaa ngaši ngoje. Jo jene kaje na šoka je-ku vule, aue. Šoka je ku vule šila ošo ašike šoka šo je hoole uunene oohapu za Kalunga no je hole zi kale za kola no hazi zigininua miilongo jauo. Šo ja hala aalongi naahongi niilonga ajihe ji longue naua mošilongo šauo, no je ši ši iilonga itaji vulu okulongua manga puua na iimaliua niijakulišo iilue. Onke ja pulasana ngeji: Otseni aakriste ngele tua hala uukriste u zigininue

miilongo mbika jetu, niilon ja jaa šune monima: otatu ningeni ngini? Ngiika ja jeleke omajele gi ili no gi ili, ihe šoka ša šiki momakutsi getu ošo šoka: Ojo ja tameke omahangeno gi ili no gi ili. Ja kona-kona uumaliua. Ngu te eta je, ngu te eta je: guijaali guijaali, guitano guitano, guotiki guotiki, ngu e na ngaa osipeniša nenge iinima jilue.

Ojendjijendji šo ja tula uunima uauo kumue, pua holoka nduno iinima ja guana okulongiša ošilonga šontumba no šongandi. Nošo ja tsikile ngaaka esiku nesiku, uukriste no ua kala ihe ua kola mevi ljauo. Niilonga jihe oja uapa nduno okuhuma komeho, omoluaantu šo ja hangana no taa gongele ša kumue.

Ihe, šo je hoole uo oohapu tuu nzoka zomueño zi taandele no zi uvike komušitua kehe. Oja pulakene neñañu elaka ndika: „Oku na aaluze inaa uva nando elaka ndika jehupišo taz sile uala momilema no mekano ljauo. Olje a hala aaluze mbono ja hupišue?” Ojo oja ti: „Otse mbaka, otua hala ojo uo ja hupišue.” — Ojo oja holola ehalo ljauo šo ja gongelašana išeue no ja palasana natango: Otu nokuninga ngini aakuetu ne, aaluze mbeja opo ja mone oohapu zomueño? Otatu pumbua aalongi naalongi, otatu pumbua iimaliua joku ja endiša nge taa ji ko, niimaliua joku ja paluša huijaka no jokulongiša iilonga ajihe ji nokulongua po. Ihe iimaliua ajihe mbjono otatu ji aza peni? — Ojo oja talasana ookuume nookume, ja kundašana. Inaa tja. O, tse tu na nale omahangano gokugongela iimaliua mbitaji koleke omagongalo getu jene, mbjono jokutumiša vangelu komavi galue otatu ji aza peni? Nondjila jo kOuambo ondeendeka ji šike mpeja no ji na uuzigu ouindji Aje e, itatu ši vulu. Aue, aue, ha šo ja kundašana ngaaka.

Ojo oja kundašana ja ti: Otatu kondjo ngaa mpaka pu šike oonkondo zetu. (Šaapopi iha ņengua.) Oja ningi išeue iigongi ji ili no ji ili, ja konakona iimaliua no ja longo iilonga jikaha ji ili no ji ili, aalumentu ja hongo ša, no ja pangele iinima, šaa šoka taa vulu. Aakiintu ja tungu no ja hondjo. Iinima ja tja ngaaka ja ningua esiku nesiku komagongalo gamue na gamue. Okaakuluntu no kaagundjuka. No pua holoka ondumba onene jilonga jikaha jomaluzi ogendji, no ja landišua po. Iimaliua ajihe ja zi miilonga moka oje ji tula mošikeša šehangano ljetumo no ja ti: „Ojo mbika naji endiše aahongi ja je ko kaauambo.” Na jamue ja ti: „Ongame nguka nandi je ko ano.” n. š. t.

(Tazi tsikilua)

Omusamane Petaja

kua šikama e je kOuambo. Esiku eti 3 lja auguste ta šiki ku Baje. Šila eti 10 lja august ta ka aazika kEngela nokuli, ošoka oje ta ka tonatela egongalo ljako.

Oongombe tazi landua

OONGOMBE OONZINZI za Misióni tazi landua iimaliua. Oongombe nzoška tazi ulukilua komuhongi Koivu moŋguediva.



Tonata u jande iiponga.

Ekola egundjuka, opo lja zi mo mošihanzila, moka lja putukile mo, olja tuka no lja tengelele nokuñañukilua oonkondo zomauaua galio. Ihe lja ka ligolele uo eo palo ljuujuni lje u egululilua esiku ndjoka.



Šo lje ja pevi lja tala koombinga azihe e tali pandula šoka tali ši tala. Ošo lja tukatuka e tali nukagula, tali zi meha li-mue e tali ji pekuauo; nopo mpoka lja ka lambela uo komukanka guongulu jontumba, opo gua li gua lomoua ondomo, e tali kulukile ko nkoka. Ihe akutu, nanzija oonala zaljo za kakatela mondomo no pokupunduka nomulungu gua ji mo mujo.



Opo mpoka pua tameke olugozi oluzigu, lua nameke ekola, ihe inalu li hupiša. Ekola nge lji ihili luanima li mangulule omulungu gualjo olja jamininiša šili oonala zaljo momukanka guongulu.



Nena omulungu guekola nge tagu manguluka ekola tali nik'okupunduka luani ma nomušila gualjo tali kakatelele ihe mondomo, nišue omušila šaa tuu tagu naku ka mo omulungu tagu ka šunine mo.

Ondigoloŋaŋu ljekola ndjoka egundjuka oja hulile po mpoka.

Oondjenda zaantu aagundjuka ojendji oza fa nzoka zekola ndjoka.

Eopalo ljuujuni, neendašano ljaagundjuka oojakuauo, nuuzano uauo tau našauza omueño. Uuhokue mbuka tau hongolola okujelekela šika na šijaka. Uukolele uolutu neŋaŋu ljuugundjuka lja fa tali luluka pombanda. Nošo aagundjuka oje ndji ohaa gueleguele ongomambilimbili, o po ga za miikalakala jago. Mokušana kua uo ihaa zilazila nandokuli iiponga juujuni nomatavu gomujuli guauo... Satana te ja tojišile uuhalu uoŋama, no manga inaa zimbulula ša, ojo ja zingililua komapukišo ogiili no giili e taa šikama mondoja juulunde.

Otaa kambazala okuikuša komajele gauo jene, ihe taa ŋengua.. Taa janda nenge taa sindi ando omamakelo gamue, ihe omakuauo tage ja ninginiša mondoja juulunde omuule u vule mbujaka uo nale.

Ano omugundjuka ota opaleke ngini ondjila je, ji kale ja iela? Ongele ti iuša koohapu zOmūua. Eps. 119: 9.

Ihe namboka ji ilololele nale mošiponga no je li metavu ljomutondi, no ja ningine muule ua Satana omu na uo ehupišo mu Jesus Kristus. "Omūna guomuntu e ja okukonga nokuhupiša mboka ja kana." Omukuanilua David a mono ehupišo ndjoka ljomūua, no te li simaneke e ta ti: "Nondjuulukue nda tegelela Omūua, oje nokui igameke kungame, no kua uvu ko eui ljangje. Oje nokua hili ndje menono ljošilambo no mondoja onde oje a hupiša ndje. Oje nokua kaleke oompazi zandje kemaŋa nokua koleke oonkatu zandje, no je a tula ndje mokana kandje eimbilo epe, eimbilo ljehambelelo lja Kalunga ketu." Eps. 40: 2-4.

Omūua ta silohenda mbo je noondjo, jaa nombili. Omukumo gue nealuzo te li pe mbo haa lili. Ji itala no ja haluka. Mol'oondjo no ja kakama. Ih' Omūua te ja kuasa.

ZOKIILONGO

OŠIPONGA ŠONZILA MU RHODESIA

Momuezi nguka gua ji, mu Rhodesia omo mua šikama onzila jimue ja hala okuška ku Union. Omo mua li aantu jahamano. Onzila šo inaji šika nkoka kua tegelelua, aantu ja tameke okulimbililua, pamue ja kuatua košiponga. Ku atumua onzila onkuauo ja landula ndjoka jotango. Mokuenda kuauo nani ojo ja zimbulula pevi ope na ša, onzila jotango ja fa ja guile pevi no ja jonuka po. Eha ndjoka ja li eui naji koondundu, ojo inaa uapa okulambelako.

Kua tumua išeue aantu je ende nošiauto sigo ja šiki mpoka pua guile onzila. Ojo ja aza iitandu ajike. Onzila ajihe ja jonuka po, šo ja guile pevi, niitandu ojo ja halakana kokuie. Aantu ajehe ja li mo, ojo ja si. Omizimba zauo za li mokati kiiitandu jonzila.

Eso ihali tsejika unake tali ja, ui ilongekiza tuu u uape okuza mo muujuni mbuka, nge to išanua ombazilila, ngaši aantu mbaka?

Ekakamo ljevi mu Europe

Nani evi ljetu kali nombili. Ngašingesi ji tamu hokololua išeue nkene lja kakama mu Europa. Aantu jokiilando iinene, moka mu noongulu oonene za šinana nokuli, ojo ja mono iihuna. Omakuma goongulu ga te nd'omisa. Oombaskena zokoondunda za tondokele pevi. Omaluungu ogendji ga kumuka, naantu je ende komapandaanda ja zengua naji komakuma taga kumukile pohi. Ojendji ja mono oombole niilalo, jamue ja si nokuli. Ondarate zokuendiša oohapu ozo za tokoka ozindji, no pomaha gamue pua holoka išeue omulilo gua fike po oongulu zaantu.

Eeno, evi negulu otaga hulu po šilitu kotokeni ano tu konge eholameno ku Kalunga manga oku nešimbo.

UUTALALA UA GEJA NUMVO.

Kutse kua kala uutalala ua geja numvo, ihe ošo taku tiua no mu Union uo. Oko kua kala uutalala u vule uetu. Omvula ja uo haji loko ngašingeji, ihe kaji ši omvula, aue, oompae azike. Iikangua ja holoka puutale na mpoka inaji monika nale. Uu

nene mpoka pe noondundu uutalala ua geja šili. Koondundu iikangua ja ningi o masiku ogendji manga inaji hemuka.

OMÜKUANILUA NOMBIBELI.

Omümvo 1911 pua piti oomvula 300 okuza pešimbo ndijaka kua holoka elundululo limue l'Ombibeli mošienlisa. Omolua šoka kua naňangizua Ombibeli joopala jcopalelela ja fa naanaa elundululo ndijaka l'jokombanda jomimvo 300. Omükuanilua guošilongo, Georg V okua peua uo embo limue lja tja ngaaka.

Šokue li peua, oje okua popi nokua ti: Elundululo ndika l'joopala šili no lja guana okuzimbulukiua. Oljo lja fuujelele tau minikile momilema no tali pe ošiguan ašihe šaaenlisa oonkondo, omüntu kehe a uape okukoneka je muene eitaalo ljetu nkene ljomošili nomükumo aguhe gu li mo. Pomimvo nzika ažihe 300 aantu jomii-ngo jetu momaluhepo gauo ja kongo oondunge noonkondo neňanu melundululo ndika. Ošo nde ši hala šili, aantu jandje jaa eše nando esiku limue nokomeho uo ešigululo ndika euanaua je li na mOmbibeli jomošienlisa. Ojo uujamba uošilongo muujuni mbuka u vule uujamba auhe ulue. Ojo ošinima ošinene ši vule iinima ažihe jomuujuni auhe.

August Herman Francke

Numvo pua piti oomvula 275 okuza nkoka Francke okua valua, oška okua valua omümvo 1663. Ešimbo ndjoka l'joomvula 275 oljo ele mokukala kuaantu. Omapipi ogendji oga valua no ga si okuza pomasiku ga Francke, na je muene okua si nale. Ihe ope na ša šoka ša kala po. Omülumentu nguka Francke okua li omünduisi, nokua li igandja šili miikaha ja Kalunga. Šaa šoka okue ši tala ehala lja Kalunga, ošo tuu okue ši longo. Oje inaa tila oonkondo ze itazi guana, oška miilonga je ažihe okua li a inekele Kalunga muene.

Esiku limue omueño gue gua kuatua koluhozi, šokua mono aanona oohepele noošigua nkene ja hepa. Esiku limue okua azika e nišilinga jimue nokui iušile iišilinga mbika naji ninge iikuša jaanona. Okua tsoongolo nokua galikana Kalunga e mü tumine ekuša lja guana a uape okuza taamba aanona ajehe e ja tala je li moluhepo noku ja kuaša. Okua tameke oku ja tungila egumbo, moka taa guanene mo ajehe. Išilinga ja Francke ja pu po mbala, ihe Kalunga muene okua nengeneke oomueño zaantu. Šo ju uvu Francke šo ta

ningi, ogendji je mü tumine ekuša. Egušmbo lja ningi enene, oška aanona aakušnaluhupo Francke okue ja aza ogendji. Ošluindji ja li moluhupo, iimaliva ažihe ja pu po, nongulohi kaje ši ši šoka taa li ošngula, ihe einekelo lja Francke inali mü eštela ohoni. Ajehe Kalunga okue ja tumine ekuša lja guana pešimbo ndjoka je muene e li hogolola.

Aanona šo ja ningi ogendji, Francke okue ja žikile enongelo uo, opo ja putužue naua, nomenongelo mue ja aanona jomomegumbo uo. Iilonga mbika ažihe okue ji longo mokuinekela Kalunga nekuša lje nando je muene kee noonkondo okulonga iilonga ji šike mpoka.

Omanongelo ga žikua ku Francke ogo ge li po natango, no tage tu hokololele, nkene Kalunga ite eša ngoka te mü inekele šili.

Uuvu uongombe kaahimba

Ngašingeji taku tiua oongombe žaahimba no žaaherero je li kuuninginino uetu okoondundu ža Kauko, ožo ža kuatua kuuvu uepunga. Oforomenta ja hala oongombe ažihe ži uendue' ihe aniuu oojene joošngombe kaju uvite ko ošilonga šokuuendua, oška kaje noondunge. KOutjo kua ži aapolisi ogendji ja ka uendiše oongombe ažihe opo ži hupe kuuvu.

Okaasita jomagongalo.

Omagongalo getu aakualuteri oga ningi ogendji kašona no miilongo mbika jaauambo uo. Ihe nando ge li po ogendji pomahala, opambepo ogo agehe egongalo limue lja Jesus Kristus. Onke ano nali kale li na uo omikalo ožo tuu nzoka žimue. Ngašingeji otatu žilazila omikalo žimue žomelongelokalunga ljomongerki.

Pua uuvanenua naale nokuli mošigošngi šaasita jomagongalo omikalo nzika:

1. Aantu taa kala ja šikama:
 - a) nge taku imbua „Esimano lja Kalunga,” nondžimbo ndjoka taji li landula;
 - mb) nge taku hempululua „Ehempululo ljeitaalo”;
 - nd) nge taku lešua „Ejambeko l'Omüua”.
2. Manga taku imbua „Amen” ndjoka taji landula „Emangušlulo”, aantu je li po ja tsoošngolo natango.
3. Oohapu ž „Egalikano l'Omüua”, n „Ehempululo ljeitaalo” nazi lešue ngaši ži li mokambongerki. Epangelongereka.